

Sarajevo, 01.12.2017. godine

Poziv za medije

SMART Resursni centar – 300 inspirativnih časova programiranja za osnovce i srednjoškolce u cijeloj BiH

SMART Resursni centar, zvanični zastupnik najveće akcije učenja u svijetu, **Sat kodiranja**, u sedmici informatičke pismenosti koja se ove godine obilježava od **4. do 10. decembra** uz podršku svih ministarstva obrazovanja u BiH i partnerima promovise programiranje kao zanimanje budućnosti na 300 lokacija u BiH. Tokom te sedmice širom svijeta će milioni mladih ljudi aktivno učestvovati u Satu kodiranja, pokazati da je kodiranje zabavno i da ga svako može naučiti.

Prema podacima Agencije za statistiku u septembru 2017. godine u BiH je bilo 480 379 nezaposlenih osoba, od čega je 160 000 visokokvalifikovanih radnika i oko 40 000 osoba sa visokom školskom spremom uključujući magistre i doktore nauka. Nezaposlenost je često razlog zbog kojeg se mladi odlučuju započeti život Van granica BiH.

Upravo je akcija učenja Sat kodiranja jedan od mogućih odgovora na rješavanje problematike neadekvatnog obrazovanja koje nije usklađeno sa potrebama tržišta rada. Tržište svakodnevno ukazuje na potrebu specijalizovanog kadra u oblasti programiranja, te će akcija dati priliku velikom broju djece da se susretnu sa programiranjem, bolje shvate tehnologiju koju svakodnevno koriste i razmisle o budućoj edukaciji u ovoj oblasti. Ovaj program razvija osnovno informatičko obrazovanje, podstiče kreativnosti i razvija logičko razmišljanje. Organizacija Code.org je kreirala vježbe i zadatke za Sat kodiranja tako da polaznici kroz igru upoznaju tehnologiju.

SMART Resursni centar Centra za promociju civilnog društva (CPCD), od 2014. godine organizuje akciju učenja Sat kodiranja u BiH i do sada je obuhvaćeno više od 30 000 djece i mladih. Ovogodišnji program edukacije će najvećim dijelom biti implementiran u školskom okruženju za osnovnoškolce, a za neke škole domaćin će biti SMART Resursni centar u svojim prostorijama **4. i 5.12.2017. u 11:00 i 13:30** uz podršku HUB 387 i Microsofta i prostorijama partnera.

Sarajevske srednjoškolce će ugostiti **Elektrotehnički fakultet** u Sarajevu, u subotu **9.12.2017. godine u 11:00**. Planirana je jednosatna edukacija za 100 zainteresovanih srednjoškolaca o osnovama programiranja prilagođenih svim učenicima i učenicama, nakon čega će posjetiti fakultetske programerske laboratorije, razgovarati sa studentima i profesorima te demistificirati prepreke zbog kojih se najčešće odlučuju da ne upišu Elektrotehnički fakultet.

Najnovija lokacija održavanja "Sata kodiranja" je **ITAcademy** u čijim moderno opremljenim prostorijama u **Sarajevu** i **Banjoj Luci** od **6. do 8.12.2017. godine u 11:00 h**, također očekujemo 100 srednjoškolaca koji će saznati koja su to najtraženija i najplaćenija zanimanja današnjice, kako steći međunarode certifikate; Microsoft, Oracle, Zend, Adobe, Cambridge i dr., te koji su to najpoželjniji poslodavci za IT stručnjake u BiH.

ITAcademy će najboljim polaznicima radionica pokloniti vrijedne nagrade- kurs programiranja u trajanju od 2 mjeseca kako bi nastavili svoje sate kodiranja i po završetku projekta.

Pozivamo sve učenike i studente da se prijave putem facebook događaja Sat kodiranja 2017 SMART RC & ITAcademy Sarajevo ili Banja Luka.

Srdačan pozdrav,

Centar za promociju civilnog društva

Za dodatne informacije obratite se Dajani Cvjetković, menadžerici SMART Resursnog centra
E mail: dajana.cvetkovic@cpcd.ba Tel: +387 33 644 810

Dodatne informacije

Sat kodiranja ili Hour of Code je globalna edukativna akcija američke neprofitne organizacije Code.org namijenjena sticanju prvih programerskih iskustava, pokrenuta sa ciljem demistifikacije informatike i programiranja, i motivacije učenika da pri planiranju svoje karijere razmisle o programiranju i IT sektoru.

Globalna akcija Sat kodiranja je pokrenuta 2013. godine kada su braća blizanci Hadi i Ali Partov snimili video kako bi promovisali informatiku. Video je postao najgledaniji na jedan dan. 15.000 škola je prihvatilo ideju i 2014. godine je organizovana najveća akcija učenja Sat kodiranja.

Ideja ne bi opstala bez učešća i pomoći volontera, organizacija, kompanija koje potpomažu rad i učestvuju u organizaciji Sata kodiranja u okviru sedmice kodiranja svakog decembra, ali i neprofitne organizacije Code.org koja je formalizovala kampanju, podstakla širenje ideje i radila na obezbjeđivanju alata, programa, igrica i drugih materijala potrebnih za implementaciju Sata kodiranja.

Organizacija je kreirala web stranicu www.hourofcode.com namjenjenu usvajanju prvih programerskih iskustava na interaktivan, zabavan i simplificiran način. Sada je dostupna i stranica www.satkodiranja.ba

Više od 100 miliona učenika iz preko 180 zemalja učestvovalo je u ovom pokretu do sada, u kojem učesnici uz pomoć jednostavnog programa i besplatnih uputstava dostupnih na preko 40 jezika uče prve programerske korake. Prethodno iskustvo nije potrebno, a sadržaj je prilagođen uzrastu od 4 do 104 godine.

SMART Resursni centar je organizator ove akcije od 2014. godine i do sada je učestvovalo više od 260 škola, desetina partnera i 30 000 učenika i učenica.

Partneri na projektu:



UNIVERZITET U SARAJEVU
ELEKTROTEHNIČKI
FAKULTET U SARAJEVU

LINKgroup

by LINKgroup™
ITAcademy
Škola za profitabilnu IT karijeru



Coca-Cola
Hellenic Bottling Company



Microsoft

HUB387